

Heiqdung Sanhgyangh:

Ndeiyawj Dwgriu "Yienghdoj" Naekgywg

三江侗戏:精彩液谐 “土味”浓厚

□ Bah Fangh



▲Lwngyez gyaaz Heiqdung.



▲Ndaw heiq yienj saedcej vunzlai.

◀Vunzlai Dungcuз yawj heiq maezmwd.



▲Bouxienj nyinhcaen yienj, bouxyawj yawj maezmwd.



▲Heiqdung miz daihcoz daihnvez swncien.



▲Canghheiq lienh ciengqheiq.



▲Vunzlai yawj heiq sim' angq raeuh.

Byaij haeuj gij mbanj Sanhgyangh Dungcuз Swciyen, ndaej roxyiuj gij fungcingz minzcuз naekgywg le, vanzlij ndaej yawjraen cungj citheiq minzcuз vunznoix daegbied ndeu—Heiqdung, cungj heiq deihfueng cienzdoengj neix, vunzlai Dungcuз cungj gyaaz dingq haengj yawj, ndaej naeuz dwg “duj va lwenqda geizheih yisuz ndaw luegbya” ndeu. Bi 2011, Heiqdung Sanhgyangh dangguh hanghmoeg mbe' gvangq citheiq cienzdoengj, ndaej lied haeuj buek daihsam guekgya gaep feih vuzciz vwnzva yizcanj mingzloeg.

Heiqdung youq Cuihcingh seiz Gyahging couh hainduj miz, faen gij diuzheiq lwnh saedcej Bouxgun caeuq diuzheiq lwnh saedcej Dung-

cuz song daihloih. Heiqdung Sanhgyangh dwg daj Gveicouh riuzcienз gvaqdaeuз, aeu ciengq lwnhsaeh guhcawj, aeu gij gangjbeg daegdied gag miz guhbouj, diuqciengq diuqwenq caenh miz song coenz, swzciengq daep haeuj song coenz neix couh ndaej fanfoek yienjciengq. Gij gvaengh aeu caizliuh de gvangqlangh, nangq daengz cwngei, ginghei, vwnzva, leixdauh, daudwz daengi. Heiqdung cienzdoengj, hainduj caenh miz song bouxyienj youq gwnz daizheiq naenghciegq, gvaqlaeng riengzdwk gij cingzciet gojgaec biujyienj haenх ciemhciemh fukcab, hwngfat daengz ndwn dwk roxnaeuz byaij dwk “cih 8 vang” ciengq; seiz yienjciengq, youz boux saefouh heiq “gaembouh” ndeu naengh youq baihlaj daez vahheiq, bouxyienj yienjciengq coenz ndeu sat, yozdui couh ndaekroq duenh yaem'wenq ndeu gvaqmonz, hawj bouxyienj ndaej dingq rox coenz vahheiq baihlaj daez haenx. Saefwen roxnaeuz saheiq (dangq boux bienheiq) diegvih youq heiqban ceiq sang, gyoengqde cungj rox bien heiq, gij swzgo bien okdaeuз ciengq dawzbak sebseb, ndigah ciengzseiz ndaej aen heiqban wnq cingj bae guh “saefouh” bangcoengh. Gij yozgi cienzdoengj Heiqdung hainduj caenh miz aen ngeihyienз



▲《Saedcej Bajliuz》yienj saedcej vuenyungz.



▲Heiqdung 《Cuhlangz Niengzmeij》ndei yawj.



▲Heiq yienj ndei yawj, vunzlai ndek bauq haenh.

ndeu, caiq miz laz, gyong, ca buenx roq; cix mbouj miz gij hangzdangq dindh de, caenh miz giekcouj haemq daegbied, gijdoengh vadgei mizyinx, sing gangjbeg geizgvaiq. Cungguck moq laebbaenz gvaqdaeuз, souh gij citheiq Bouxgun caeuq gij heiq deihfueng wnq yingyangj, Heiqdung youq biujyienj hingzsiк, yaem'wenq diuqciengq, ndangdaenj hongdawz daengj fuengmienh cungj miz hwngfat moq, rox ciuq gij cingzciet citheiq hwngfat yaekaeu bae vehnda gijdoengh, supaeu gij yamqdin daizheiq, ndangdoengh Bouxgun caeuq gij minzcuз wnq, haeujsim cangnaj, cangndang caeuq ndagingj, caemhcaiq mbeilaux yinxhaeuз le gij diuqciengq golaux Dungcuз, go bizbaz, go gimzgavaiz, go caijdangz, fwen daengj, yozgi caemh demlai le aendig, aenvenz, bizbaz, gimzgavaiz daengj; seizgan biujyienj caemh daj gaxgonq cit heiq ndeu yienj baenz caet bet ngoenz sukding daengz sam seiқ ngoenz caiqlj geij diemj cung couh yienj sat, rengzhoengh biujyienh de engq yienhda. Miz Heiqdung le, vunzlai Dungcuз cungj gig haengjgyaez, riengjret gvangqlangh dwk youq doengh dieg Dungcuз cienzdoh. Daengz seizneix, Heiqdung diuzheiq moq gaeuq gaenq miz baenz 400 lai aen, gij diuzheiq haemq okmingz haenх miz 《Cinz Niengzmeiz》《Mangswj》《Fujguenh》《Meidauз》daengj.

Youq doengh dieg Mbanjdung, mbanjmbanj cungj miz heiqban, gvaq cieng gvaq ciet, mbanj caeuq mbanj doxcaez doxgyau yienjok, doxdax doxhag banjdaeuз yienjheiq, aeu ndei bouj yaez. Daegbied dwg moix bi seizcouh dajsou sat roxnaeuz ngoenzndei angqhoh, Heiqdung yienj ndaej engq hoengh, ndaw mbanj gyonglaz gyukgyad, sing fwen sing riu mbouj dingz, nauhyied dangqmaz.